



**SCAN TO JOIN & FOLLOW US  
(WhatsApp Channel)**



**JUMA KE DIN SUNNAT (Masnoon) A'MAAL**

**QUR'AN SE DALEEL**

**Surah Al-Jumu'ah, Ayat 9**

"Aey imaan walon! Jab Juma ke din namaz ke liye azaan di jaye, to Allah ke zikr ki taraf daud padho aur kharid-o-farokht chhod do. Agar tum samajh sako, to yeh tumhare liye behtareen hai." (62:9)



### Surah Al-Jumu'ah, Ayat 10

"Phir jab namaz mukammal ho jaye, to zameen mein phail jao aur Allah ka fazl (rizq) talaash karo aur Allah ka zikr bohot ziyada karo, taki tum kamiyaab ho jao." (62:10)

### Surah Al-Jumu'ah, Ayat 11:

"Aur jab unho ne tijarat ya tafreeh dekhi, to uski taraf bhaag khade hue aur tumhein (khutbe mein) khada chhod diya. Keh do, jo kuch Allah ke paas hai woh tafreeh aur tijarat se behtareen hai. Aur Allah behtareen rizq dene wala hai." (62:11)

## HADEES SE DALEEL

**Hadees:** Hazrat Aws ibn Aws (RA) se rivayat hai, Rasool Allah (SAW) ne farmaya: "Tumhare sabse behtareen dino me se ek din Juma ka hai. Is din Adam (AS) ko paida kiya gaya, isi din unka inteqal hua aur isi din Qayamat qayem hogi. To is din mujh par zyada se zyada durood bhejo, kyunke tumhara durood mujhe pesh kiya jata hai." (*Abu Dawood: 1047, Nasa'i: 1374, Ibn Majah: 1082*)



**Hadees:** Hazrat Abu Huraire (RA) se rivayat hai, Rasool Allah (SAW) ne farmaya: *"Behtareen din jis par sooraj nikalta hai Juma ka din hai. Isi din Adam (AS) ko paida kiya gaya, isi din unhe jannat mein dakhil kiya gaya, aur isi din unko jannat se nikala gaya."* (Muslim: 854)

## MISWAK KA ISTEMAL KARNA

**Hadees:** Hazrat Abu Huraire (RA) se rivayat hai, Rasool Allah (SAW) ne farmaya: *"Agar meri ummat par mushkil na hoti, to main unhein har namaz ke saath miswak ka hukm deta."* (Bukhari: 887, Muslim: 252)

## JUMA KE DIN TEL (OIL) LAGANA

**Hadees :** Hazrat Salman Al-Farsi (RA) se riwayat hai ke Nabi-e-Kareem (SAW) ne farmaya:

“ Jo shakhs Jumma ke din ghusl kare, jitna ho sake apne aap ko saaf kare, apne baalon mein tel lagaye ya apne ghar ka (itr) khushbu lagaye, phir Jumma ki namaz ke liye nikle (Masjid aye) aur kisi ke darmiyan tafreeq na kare, phir jo namaz likhi gayi hai usay ada kare



aur Imam ke khutbe ko ghour se sune, uske guna maaf kar diye jate hain jo is Jumma aur pichle Jumma ke dar miyan hue ” (**Sahih Bukhari Hadees : 883**)

## JUMA KE DIN GHUSL KARNA

**Hadees:** Hazrat Abu Huraire (RA) se rivayat hai, Rasool Allah (SAW) ne farmaya: "Juma ke din ghusal karna har baligh insaan par zaroori hai." (**Bukhari: 879, Muslim: 846**)

**Hadees:** Hazrat Abu Saeed al-Khudri (RA) se rivayat hai, Rasool Allah (SAW) ne farmaya: "Ghusal karo, apne kapdon ko achi tarah saaf karo aur itar(khusboo) lagao." (**Ibn Majah: 1098**)

## UMDAH (ACHA/BEHTAREEN) LIBAAS PEHNE

**Hadees:** Hazrat Abdullah bin Salam (RA) se rivayat hai, Rasool Allah (SAW) ne farmaya: "*Aap (SAW) ne Juma ke din ke liye ek khaas joda rakha tha jo aap sirf is din pehente the.*" (**Ibn Majah: 1095**)



## KHUSHBOO LAGANA (Itar)

**Hadees:** Hazrat Abu Saeed al-Khudri (RA) se rivayat hai, Rasool Allah (SAW) ne farmaya: "Ghusal karo, apne kapdon ko achi tarah saaf karo aur itar (Khushboo) lagao." (Ibn Majah: 1098)

## JUMA KE DIN SURAH KAHF PADHNA

**Hadees:** Hazrat Abu Saeed al-Khudri (RA) se rivayat hai, Rasool Allah (SAW) ne farmaya: "Jo Juma ke din Surat-ul-Kahf padhega, us

ke liye do Jumaon ke darmiyan roshni faraham kar di jati hai."  
(Hakim: 2/368, Baihaqi: 3/249)

## JUMA KE DIN EK GHADI (dua ki qabooliyat ka waqt)

**Hadees:** Hazrat Abu Huraira (RA) se rivayat hai, Rasool Allah (SAW) ne farmaya: "Juma ke din ek aisi ghadi hai ke agar banda Allah se kuch maange aur woh us ghadi ko paa jaye, to Allah us ki dua zaroor qabool farmata hai." (Bukhari: 935, Muslim: 852)

## KASRAT SE DUROOD PADHNA (Durood e Ibraheem)



**Hadees:** Hazrat Aws ibn Aws (RA) se rivayat hai, Rasool Allah (SAW) ne farmaya: "Tumhare sab se behtareen dinon me se ek din Juma ka hai, to is din mujh par zyada se zyada durood bhejo." (Abu Dawood: 1047, Nasa'i: 1374) (**DUROOD -E- IBRAHEEM**)

**NOTE - 1)** Aurtaein Khushboo laga kar bahar nahi jayegi aur gair mahram ke samne bhi nahi ayegi apne ghar par Khushboo laga sakti hai (itar) agar ghar par koi gair mehram Mard na ho to

**2)** Upar jitney Sunnatein batayi gayi hai uske ilawa aur bhi Sunnatein hai ---- Jaise Masjid jaldi jana, aur Imaam ka Khutbah Gaour se sunna aur koi Laghu (yani Gair Zazuri ) baatein na karna....wagerah.

**3)** Juma ke din Nakhun kaatna (clipp nails) bhi mustahab amal hai.....pehle ke PDFS dekhne ke liye humare WEBSITE me jakar VISIT KAREN